


TEZĂUR LITURGIC

27 APRILIE

SLUJBA SF. IERARH ȘTEFAN, EPISCOPUL VLADIMIRULUI



MOSCOVA, 2000



Мѣсяца Априллія въ 27-й дѣнь СЛУЖБА ПРЕПОДОБНОМУ ОТЦУ НАШЕМУ СТЕФАНУ, ЕПИСКОПУ ВЛАДИМИРО-ВОЛЫНСКОМУ, ИГУМЕНУ ПЕЧЕРСКОМУ

НА МАЛЪЙ ВЕЧЕРНИ,

На Господи воззвахъ: стихиры, гласъ 4:

Преподобне отче Стефане, ты младъ сый отрочищъ, навикль еси подвигомъ житейскаго крестоношенія, по заповѣди Христа Спаса нашего. Предстоя нынѣ у престола Божія, вознеси о насъ твоя молитвы, да и мы навикнемъ богоугоднымъ подвигомъ и спасемся.

Преподобне отче Стефане, ты во обители Киево-Печерстѣй былъ еси domestikъ, купно со иноческими лики похвальная воспѣвая Пресвятѣй Троицѣ и Пречистѣй Дѣвѣ Богородицѣ. Молитвами твоими удовли и насъ непрестанно воспѣвати славу Бога, спасающаго родъ нашъ.

Преподобне отче Стефане, ты основаніе твердое положи въ добродѣтели, ветхаго человека

совлѣкся еси со страстьми его и похотьми, во Христа облекійся воистинну и наставникъ монашествующимъ бѣвь. Моли Христа Бога о насъ, чтущихъ святую память твою, да и мы добродѣтельному житію навѣикнемъ.

Слава, гласъ 6:

Яко многосвѣтлая звѣзда, мысленно возсіявъ на тверди церковнѣй, всю тварь просвѣщаеши, преподобне отче Стефанѣ, тму прогоняя подвигами свѣта. Тѣмъ, веселящеся днесь, молимъ тя въ памяти твоѣй: молися Христу Богу, да освѣтитъ Свѣтодавецъ и наша сердца и помышленія свѣтомъ Своего богоразумія, и да спасетъ души наша.

И нынѣ, богородиченъ, гласъ тойже.

Всесвятая Богородице, во время живота моего не остави мене, человѣческому предстательству не вѣри мя, но Сама заступи и помилуй мя.

На стиховнѣ стихиры, гласъ 2:

Житіе твоѣ священно, и слово божественно, и дѣянія богоугодна, тѣмже память твою, святителю Стефане, празднуемъ свѣтло.

Стихъ: Честна предъ Господемъ смѣртъ преподобныхъ Его.

Стадо Христово наставляя къ свѣту богоразумія, безбожія тму отгналь еси, преподобне отче нашъ Стефане богомудре.

Стихъ: Блаженъ мужъ, бояйся Господа, въ заповѣдехъ Его восхощетъ зѣло.

Въ безконечную славу нынѣ прешедъ отъ земли, душу мою, оскверненную страстьми, прилжною молитвою твоєю, преподобне, уврачуй.

Слава, гласъ 2:

Ангельски, отче, пожилъ еси на земли, наследниче Божественныхъ селеній, тѣмъ со ангелы ликуеть дѣхъ твой.

И нынѣ, богородичень, гласъ тойже:

Все упованіе на Тя возлагаю, Мати Божія, сохрани мя подъ кровомъ Твоимъ.

Тропарь, гласъ 8:

Православія наставниче, благочестія учителю и чистоты, Вольнскія паствы свѣтильниче, архіереевъ богодухновенное удобреніе, Стефане премудре, ученъми твоими вся просвѣтилъ еси, цѣвнице духовная, моли Христа Бога спастися душамъ нашимъ.

Слава, и нынѣ, праздника или богородиченъ:

Иже насъ ради рождѣйся [отъ Дѣвы, и распятіе претерпѣвъ, Благій, испровергій смѣртію смѣртъ и Воскресеніе явлѣй яко Богъ, не презри, яже создалъ еси рукою Твоею, яви челоуѣколюбіе Твое, Милостиве. Прими рождшую Тя, Богородицу, молящуюся за ны, и спаси, Спасе нашъ, люди отчаянныя].

НА ВЕЛИЦѢЙ ВЕЧЕРНИ,

[Блаженъ мужъ..., 1-й антифонъ.]

На Господи возвахъ: стихиры, гласъ 8:

Отче Стефане богомудре! Отъ лѣтъ отроческихъ ты возрасталъ еси подъ рукою преподобнаго Θεодосія, первоначальника иноческаго житія во обители Кіево-Печѣрстѣй, и былъ еси тому присный ученикъ, лѣствицею добродѣтелей восходя къ преподобію совершенству, и иноческими твоими подвиги веселя духъ блаженнаго пѣстуна твоего. Купно убо съ нимъ молися, преподобне, Христу Богу о умирѣніи многомятежнаго міра и о поданіи и намъ, твоимъ чадомъ о Господѣ, радостей добродѣтельнаго житія христіанскаго и спасенія душъ нашихъ.

Отче Стефане блаженне! Ты́ аще и младъ былъ еси́, обаче иноческiй чинъ воспримъ на ся, яко присный ученикъ блаженнаго игумена Θεодосiя, поставленъ былъ еси́ отъ братiи въ доместика обители, во еже съ лики иночествующихъ воспѣвати во храмъ хвалебныя пѣсни и моленiя Трiединому Богу; ещѣ же, поучающе преподобному Θεодосiю братiю словесы́ назидательными о благочестii, и ты́ приглашаемъ былъ еси́, преподобне, къ поученiю и назиданiю братiи, яко мужъ учителень. Вознеси́ убо, преподобне, купно со святымъ Θεодосiемъ твоя́ молитвы Христу́ Богу, да навикнемъ и мы́ непрестанно хвалебная Господеви возсылати и поучатися и назидатися въ тѣхъ, яже ко спасенiю душъ нашихъ.

Отче Стефане преподобне! Егда́ преутружденный многотрудными подвигами иноческаго житiя́ и начальствованiя игуменскаго, преподобный Θεодосiй приближашеся ко исходу изъ житiя́ сего́, ты́ отъ братiи избранъ былъ еси́ во игумена обители Киево-Печерскiя, тогда́ много поучаемъ былъ еси́ отъ того́жде блаженнаго Θεодосiя, ещѣ жи и умоляемъ былъ еси́ отъ него́, да не оставиши попеченiя о построенiи небесi подобящiяся цѣркве Пресвятыя Дѣвы Богородицы во обители Печерстѣй. Возношай, святче, купно съ

богоно́снымъ Оеодо́сіемъ, свѣтыя моли́твы Христу́ Бо́гу Спа́су и Преблагослове́ннѣй Влады́чицѣ Богоро́дицѣ о спасе́нии ду́шъ нашихъ.

Отче Стефа́не пресла́вне! Ты́, исполня́я заветъ блаже́ннаго твоего́ учи́теля е́же о постро́еніи хра́ма Успе́нія Пречи́стыя Дѣ́вы Богоро́дицы во оби́тели Пече́рстѣй, неусы́пнымъ попече́ніемъ и трудолю́бнымъ рабо́таніемъ воздвигъ еси́ бра́тии и но́вую оби́тель; обаче и ста́рыя оби́тели пеще́рныя не оста́вилъ еси́ кромѣ́ оте́ческихъ твои́хъ попече́ній, приста́вивъ та́мо избра́нную бра́тию, да послужитъ погребе́нію умерши́хъ бра́тій, па́че же соверша́етъ о упоко́еніи тѣ́хъ Божество́нныя Литур́гии. Не забу́ди у́бо, преподо́бне, и нашихъ о Го́сподѣ почи́вшихъ присныхъ и всѣ́хъ отъ вѣ́ка въ правове́рїи и благоче́стіи сконча́вшихся оте́ць и праоте́ць нашихъ, и помоли́ся о нихъ Христу́ Бо́гу, да поми́луетъ ихъ въ де́нь Су́дный.

Отче Стефа́не незло́биве! Егда́ исконный вра́гъ ро́да челове́ча, ненави́дя добра́, завидѣ́ тебѣ́ мно́гаго ра́ди попече́нія твоего́ о свѣтѣ́й оби́тели и, злы́ми свои́ми ко́зньми сопроти́въ возста́въ, смяте́ние въ нѣ́кихъ отъ бра́тии сотвори́, я́ко и нача́льствованіе игу́менское отъя́ша тебе́, па́че же лишы́ша тя́ и пребыва́нія въ воспита́вшей тя́

обителѣ, тогда, миролюбивъ сый, въ незлобіи сердца твоего, якоже овогда тезотмѣнный тебѣ первомученикъ Христовъ Стефанъ, молился еси о распалѣемыхъ злобою діавольскою вразѣхъ твоихъ. Научи убо и насъ, святче, да навѣкнемъ прощати обидящимъ насъ, и, по заповѣди Спасовѣй, благословляти клянущія ны и молиться о умирѣніи враговъ, ко спасенію душъ нашихъ.

Слава, гласъ тойже:

Приидите, вѣрныхъ соборъ и монашествующихъ лица, восхвалимъ днесь въ пѣсняхъ богоноснаго отца нашего Стефана, союзомъ вѣры и любви связующаго матеръ градовъ русскихъ Кіевъ съ древнимъ наслѣдіемъ равноапостольнаго князя въ земли Волинстѣй, градомъ Владиміромъ: первѣе бо бысть Стефанъ игумень обителей Кіевскихъ, послѣжде же, архіерействомъ украшенъ, добръ упасе на пажитехъ духовныхъ паству Волинскую. И нынѣ предстоя на небесѣхъ у престола Архіерея Великаго, купно со всѣми святыми молится о спасеніи душъ нашихъ.

**И нынѣ, праздника или богородичень 1-й
гласа:**

[Царь Небесный за человеколюбие на земли явился и съ человеки поживе, от Дѣвы бо Чистыя плоть пріемый и изъ Нея прошедый съ воспріятіемъ, единъ естъ Сынъ, сугубъ естествомъ, но не впостасію. Тѣмже, совершенна Того Бога и совершенна Человека воистинну проповѣдающе, исповѣдуемъ Христа Бога нашего: Егоже моли, Мати Безневѣстная, помиловатися душамъ нашимъ.]

**Входъ. [Прокименъ дне.] Чтенія три
преподобническая.**

[Премудрости Соломона чтеніе. [Глава 3.]

Праведныхъ души въ руцѣ Божіей, и не прикоснется ихъ мука. Непщевани быша во очесѣхъ безумныхъ умрети, и вмѣнися озлобленіе исходъ ихъ, и еже отъ насъ шествіе — сокрушеніе, они же суть въ мирѣ. Ибо предъ лицемъ человѣческимъ, аще и муку пріимуть, упованіе ихъ безсмертія исполнено. И вмалѣ наказани бывше, великими благодѣтельствовани будутъ, яко Богъ искуси я и обрѣте ихъ достойны Себѣ. Яко злато въ горнилѣ, искуси ихъ и, яко всеплодіе жертвенное, пріять я. И во время посѣщенія ихъ, возсіяють, и яко искры по стѣблю, потекутъ. Судятъ языкомъ и обладають людьми, и воцарится Господь въ нихъ во вѣки.

Надбющися Нань разумбють истину и вбрни вь любви пребудуть Ему, яко благодать и милость вь преподобныхъ Его и посщение во избранныхъ Его.

Премудрости Соломони чтение. [Глава 5.]

Праведницы во вьки живут, и вь Господь мзда их, и попечение их у Вышняго. Сего ради примут царствие благолюбия и внець доброты оть руки Господни, зане десницею покрыет я и мышцею защитит их. Примет всеоружие — рвение свое и вооружит тварь вь мечь врагомь. Облечется вь броня правды и возложит шлемь — судь нелицемьрень. Примет щить непобдимый — преподобие, поострит же напрасный гневь — во оружие, споборет же съ нимь мирь на безумныя. Пойдут праволучныя стрблы молниины и, яко оть благокругла лука облаковь, на намьрение полетят, и оть каменометныя ярости исполнь падуть грады. Вознегодует на нихь вода морская, рьки же потопят я нагло. Сопротивь станет имь духь силы и, яко вихорь, разветь их, и опустошит всю землю беззаконие, и злодбйство превратит престолы сильныхъ. Слышите убо, царие, и разумбите, навьикните, судии концевь земли. Внушите держащи множества и гордящися о народьхь языковь,

яко дана́ е́сть отъ Го́спода держа́ва ва́мъ и си́ла отъ Вы́шняго.

Премудрости Соломо́ни чтéние. [Глава́ 4.]

Праведникъ, аще постигнетъ скончатися, въ покои́ будетъ. Стáрость бо честна́ не многолѣтна, ниже́ въ числѣ́ лѣтъ исчитается. Съди́на же е́сть му́дрость чело́вкомъ, и во́зраст стáрости — жити́е несквѣрное. Благоуго́денъ Бо́гови бѣвъ, возлю́бленъ бѣсть, и живы́й посредѣ́ грѣшникъ, предста́вленъ бѣсть. Восхи́щенъ бѣсть, да не зло́ба измѣнитъ ра́зума его́ или́ лѣсть прельсти́тъ ду́шу его́. Раче́ние бо зло́бы помрача́етъ до́брая и паре́ние по́хоти, премѣня́етъ у́мъ незло́бивъ. Скончався вмáлѣ, испо́лни лѣта до́лга, уго́дна бо бѣ́ Господеви ду́ша его́, сего́ ра́ди потща́ся отъ среды́ лука́вствія. Лю́діе же видѣ́вше и не разумѣ́вше, ниже́ поло́жше въ помышлѣ́ніи тако́вое, я́ко благода́ть и ми́лость въ преподо́бныхъ Его́ и посѣ́щеніе во избра́нныхъ Его́.

На литіи стихи́ры, гла́съ [5]:

Ликовствуй, святая обитель Печѣ́рская, съ нею́ же и пресла́вный гра́дъ Кі́еве, свѣ́тло прáзднуй ны́нѣ па́мять преподо́бнаго отца́ на́шего Стефа́на: се́ бо, благоче́стіемъ, и добродѣ́тельми, и подвиги́ первоначальниковъ ино́чества,

преподобныхъ Антонія, Θεодосія, Стефана и
иныхъ чудотворцевъ Печерскихъ, слава
Господня возсія на тебѣ, о мати нашихъ градовъ!
Ты же, о Лавра святая, и поднесъ пребываеши,
яко вящшая паче иныхъ святія земли нашея!
Вознесемъ убо днесъ, братіе, молитвы наша ко
блаженному Стефану и прочимъ чудотворцемъ
Печерскимъ, да непрестанно купно молятся
Христу Богу о спасеніи душъ нашихъ.

Свѣтися свѣтомъ Божественнаго веселія и ты,
овогда убо славный и великій, нынѣ же убогій
граде Владиміре, въ памяти первопрестольника
твоего, архіерея Стефана богомудраго: се бо въ
нѣдрахъ твоея земли благоизволи Господь
оставити гробъ и пречистыя мѡщи того
святителя, заступника и молитвенника
Вольнскаго. Къ нему убо нынѣ, вси рѡди
Вольнстіи, молитесь, да предстояй у престола
Вседержителя, съ небесныхъ круговъ
преподаетъ архіерей нашъ свое святительское
благословеніе намъ, духовнымъ чадомъ его, и
молится о утвержденіи въ земли нашей
православія, и о спасеніи душъ нашихъ.

Днесъ, архіерею Божій Стефане достохвальне,
празднуемъ всечестный праздникъ отшествія
твоего отъ привременнаго житія земнаго къ
вѣчнѣй жизни во обителяхъ райскихъ: многи бо

добродѣтели на преуспѣяніе словѣснаго сі стада показавъ, обрѣлся еси достоинъ неувядаемаго славы вѣнца, егоже отъ начала житія твоего знаменовалъ еси именемъ твоимъ, и имже по достоянію вѣнча тя Христось, па́стырей Начальникъ. Тому́, яко вѣліе дерзнове́ніе имы́й, помоли́ся о на́съ, любове́н чту́щихъ па́мь твою́.

Слава, гласъ 6:

Яко многосвѣтлая звѣзда, [мы́сленно возсія́въ на твёрди церко́внѣй, всю́ тва́рь просвѣща́еши, преподо́бне о́тче Стефа́нъ, тму́ прогоня́я подви́гами свѣта. Тѣмъ, веселя́щеся днёсь, мо́лимъ тя́ въ па́мьтѣ тво́ей: мо́ли́ся Христу́ Бо́гу, да освѣ́титъ Свѣтода́вецъ и на́ша сердца́ и помышле́нія свѣтомъ Сво́его богоразу́мія, и да спасе́тъ ду́ши на́ша].

И нынѣ, богородичень, гласъ тойже.

Всесвятая Богородице, [во вре́мя живота́ моего́ не оста́ви мене́, челове́ческому предста́тельству не ввѣри мя́, но Сама́ заступи́ и поми́луй мя́].

На стиховнѣ стихиры, гласъ 5:

Радуйся, инокомъ правило благочестія и образъ кротости и смиренія, Стефане преподобне! Ты́ бо отъ ослеплённыя злобою́ дѣвольскою́ бра́тїи изгна́нъ бѣвъ изъ прїсныя́ тѣ обители,

благодушно пріялъ еси сицевое огорченіе, благословляя враги твоя и поминая слово, еже глаголетъ: вси, хотящи благочестнѣ жити о Христъ Іисусъ, гоними будутъ. Проси убо у Господа мира мірови и велія милости.

Стихъ: Уста моя возглаголють премудрость и поученіе сердца моего разумъ.

Радуйся, слуго усерднѣйшій Пречистыя Владычицы Богородицы, Стефане блаженне! Изволилъ бо еси приметатися на горахъ Кіевскихъ, освященныхъ отъ преподобнаго Антонія благословеніемъ святыя горы Аѳонскія, земнаго жребія Богоматере, того ради изгнанъ бывъ изъ обители Печерскія, новую обитель основалъ еси на Кловстѣмъ холмѣ, и храмъ тамо создалъ еси въ честь положенія ризы Пречистыя во Влахернѣ. Молися убо и нынѣ Пресвятѣй Владычицѣ Богородицѣ о дарованіи мира мірови и велія милости.

Стихъ: Блаженъ мужъ, бояйся Господа, въ заповѣдехъ Его восхощетъ зѣло.

Радуйся, архіерею Божій, святителю Стефане пречестне! Ты бо въ возмездіе за претерпѣнное овогда поруганіе и заточеніе во обители Печерстѣй сподобился еси пѣрвый видѣти въ ноци чудный свѣтъ отъ пещеры, въ нейже

погребѣно бысть тѣло преподобнаго Θεодосія, и влекомый сицевымъ видѣниемъ, пришедъ къ пещерѣ той, обрѣлъ еси тамо преподобнаго Нестора, изъемлюща изъ земли мѡщи блаженнаго пѣстуна твоего; паче же утѣшенъ и обрадованъ былъ еси, егда купно со иными архіереи пренеслъ еси честныя мѡщи твоя во храмъ Успенія Богоматере. Утѣши убо и насъ молитвами твоими ко Господу о дарованіи міра мірови и намъ велія милости.

Слава, гласъ 6:

Преподобне отче, во всю зѣмлю изыде вѣщаніе исправленій твоихъ! Восходя бо стезею добродѣтелей отъ силы въ силу, отъ многихъ именитыхъ людей во градъ Кіевъ яко отецъ духовный былъ еси почитаемъ, таже и въ далечайшихъ странахъ, добродѣтельнаго ради житія твоего и богомудрія, знаемъ и славимъ былъ еси многими, того ради Христось тя постави архипастыря словесному Своему стаду во градъ Владимірѣ. Нынѣ же, на небесѣхъ обрѣтъ мзду трудовъ твоихъ, имиже ангельскія достиглъ еси чины, дерзновеніе имаши веліе ко Христу Богу, миръ испроси душамъ нашимъ.

И нынѣ, праздника [или богородиченъ]:

[Творецъ и Избавитель мой, Пречистая, Христось Господь, изъ Твоихъ ложеснь прошедъ, въ мя оболкйся, первыя клятвы Адама свободи. Тъмже Ти, Всечистая, яко Божии Матери же и Дѣвѣ, войстинну вопіемъ немолчно: радуйся ангельски, радуйся, Владычице, предстательство, и покрове, и спасеніе душъ нашихъ.]

По Нынѣ отпущаеши.., на благословеніи хлѣбовъ: тропарь, гласъ 8: Православія наставниче... [писанъ на малѣй вечерни] и Богородице Дѣво.., единойды.

НА УТРЕНИ,

На Богъ Господь: Тропарь праздника, дважды. Слава, тропарь святаго. И нынѣ, праздника или богородиченъ.

По 1-мъ стихословіи съдаленъ праздника. Слава, и нынѣ, тойже.

По 2-мъ стихословіи съдаленъ, гласъ 3:

Яко пастырь вселюбезный и благочестія подвижникъ изряднѣйшій много почитаемъ былъ еси, отче Стефане, отъ чадъ твоихъ духовныхъ: ти бо усердно служаху ти отъ имѣній твоихъ, егда на Кловѣ устраялъ еси обитель иноческую и храмъ во имя Пресвятыя

Богородицы, Ейже непрестанно молися о насъ любовію чтущихъ святую память твою.

Слава, гласъ тойже:

Сто́лпъ бы́лъ еси́ Цѣркве Правосла́вныя и бога́тство некра́домое яви́лся еси́, благоче́стне святи́телю, въ безстра́стїи осія́въ житі́е твоѐ и Тро́ическія изъясни́въ вѣ́рнымъ догма́ты, о́тче преподо́бне Стефа́не, Христа́ Бо́га моли́ о спасе́нїи ду́шъ нашихъ.

И нынѣ, праздника. Поліелей.

Величание: Велича́емъ тя, святи́телю о́тче Стефа́не, и чте́мъ святу́ю па́мьять твою́, ты́ бо мо́лиши за насъ Христа́ Бо́га нашего́.

Псаломъ избранный:

1-й ликъ: Услы́шите сія́ вси́ язы́цы, внушите́ вси́ живу́щїи по вселеннѣй. **2-й:** Уста́ моя́ возглаго́лють премудро́сть, и поуче́нїе се́рдца моего́ разумъ. **1-й:** Приидите, ча́да, послу́шайте мене́, стра́ху Госпо́дню научу́ васъ. **2-й:** Благовѣстихъ правду́ въ Цѣркви вели́цѣй. **1-й:** Истину́ Твою́ и спасе́нїе Твоѐ рѣхъ. **2-й:** Повѣ́мъ імя́ Твоѐ бра́тїи мое́й, посредѣ́ Цѣркве воспою́ Тя. **1-й:** Услы́шати ми́ гласъ хвалы́ Твоея́ и повѣ́дати вся́ чудеса́ Твоя́. **2-й:** Го́споди,

возлюбихъ благолюбіе дому Твоего и мѣсто селенія славы Твоея. **1-й:** Возненавидѣхъ церковь лукавнующихъ и съ нечестивыми не сяду. **2-й:** Яко сохранихъ пути Господни и не нечествовахъ отъ Бога моего. **1-й:** Уста праведнаго поучатся премудрости, и языкъ его возглаголетъ судъ. **2-й:** Правда Его пребываетъ въ вѣкъ вѣка. **1-й:** Священницы Твои облечутся правдою, и преподобнии Твои возрадуются. **2-й:** Блажени, живущи въ дому Твоемъ, въ вѣки вѣковъ восхвалятъ Тя. **Слава, и нынѣ: Аллилуія, трижды.**

По поліелѣи сѣдаленъ, гласъ 6:

Христу Богу благочестивымъ житіемъ добръ угодивъ и стяжавъ славу мужа учительна, отъ Кловскія обители взятъ былъ еси, святе Стефане, во епископа земли Волынскія, во градъ Владиміръ, идѣже по тріехъ лѣтъхъ усерднаго работанія на нивѣ Христовѣй, образъ бывъ вѣрнымъ словомъ, житіемъ, любовію, духомъ, вѣрою, чистотою, отшелъ еси ко Господу, моляся о присныхъ ти людехъ.

Слава, гласъ 8:

Божественную благодать Духа Всесвятаго, немощная врачующую и оскудѣвающая восполняющую, воспріимъ и архіерей изряденъ

бывъ, преподобне Стефане, туюжде
вседѣйствующую благодать преподалъ еси
преподобному лѣтописцу Нестору, иже
возложениемъ святительскихъ рукъ твоихъ
діаконъ бысть. Съ нимъ убо нынѣ молися ко
Господу о благостояніи святыхъ Божіихъ
церквей и о неизмѣннѣмъ сохраненіи святыхъ
вѣры православныхъ въ землі приснѣй вамъ.

И нынѣ, праздника или богородиченъ:

Небесную дверь и кивотъ, пресвятую гору,
свѣтлый облакъ воспоймъ, неопалимую купину,
словесный рай, Евы воззваніе, вселенныя всея
великое сокровище, яко спасеніе въ Ней
содѣлася мірови и оставленіе древнихъ
согрѣшеній. Сего ради вопіемъ Ей: молися Сыну
Твоему прегрѣшеній оставленіе даровати
благочестно покланяющимся всесвятому
Рождеству Твоему.

Степенна, 1-й антифонъ 4-го гласа.
Прокименъ, [гласъ 4]: Честна предъ
Господемъ* смѣрть преподобныхъ Его. **Стихъ:**
Что воздамъ Господеву о всѣхъ, яже воздаде
ми? Евангеліе святительское, отъ Іоанна,
зачало 36.

По Евангеліи стихира, гласъ 6:

Преподобне отче, во всю землю изыде вѣщаніе исправленій твоихъ! [Восходя бо стезею добродѣтелей отъ силы въ силу, отъ многихъ именитыхъ людей во градъ Кіевъ яко отецъ духовный былъ еси почитаемъ, таже и въ далечайшихъ странахъ, добродѣтельнаго ради житія твоего и богомудрія, знаемъ и славимъ былъ еси многими, того ради Христось тя постави архипастыря словесному Своему стаду во градъ Владиміръ. Нынѣ же, на небесѣхъ обрѣтъ мзду трудовъ твоихъ, имиже ангельскія достиглъ еси чины, дерзновеніе имаши веліе ко Христу Богу, миръ испроси душамъ нашимъ].

Каноны праздника и святаго, якоже уставъ изъясляетъ.

Канонъ святаго, [егоже краеграніе: Заступи, святче, Православіе отъ враговъ],

гласъ 6:

Пѣснь 1.

Ирмосъ: *Волною морскою скрѣвшаго древле, гонителя мучителя — подъ землею скрѣша спасенныхъ отроцы; но мы яко отроковицы, Господеву поимъ, славно бо прославися.*

Зриши нынѣ, преподобне, Божія и ангельскія свѣтлости на небеси, предстоя у престола Владыки міра видимаго же и невидимаго;

помоли́ся у́бо о мнѣ́ многогрѣ́шнѣ́мъ, да досто́йнѣ́
воспою́ честну́ю твою́ па́мять.

Ангеломъ равносѣльникъ счѣслился еси́, о́тче
преподобне, на землі́ во плоти́, якоже
безплотенъ, а́нгельски поживѣ́ и мно́гими
добродѣ́тельми, па́че же ду́ши чистото́ю и
незло́біемъ Го́сподеви угоди́въ, отъ черто́говъ
небе́сныхъ назира́й на́съ, пою́щихъ тя́.

Сосудъ бѣ́въ свяще́нь Ду́ха Свята́го, сугубу́ю
благодать То́гожде Всеосвяща́ющаго Ду́ха
восприя́лъ еси́, преподобне Стефа́не, егда́
Бо́жиимъ промышле́ніемъ поста́вленъ бы́лъ еси́
во еписко́па гра́ду Влади́миру; моли́ся о па́ствѣ́
твое́й ко Го́споду.

Богородиченъ: Тебе́́ пѣ́сньми немолчными
ублажа́емъ, Дѣ́во Богородице, я́же отъ Трои́цы
еди́наго во чре́вѣ́ при́мши, боже́ственными
рука́ми Пресу́щное Сло́во носи́ла еси́
Непреложное́ и Неизмѣ́нное; избавля́й на́съ,
Засту́пнице на́ша, отъ вся́кихъ бѣ́дъ.

Катавасія: Воскресе́нія де́нь...

Пѣ́снь 3.

Ирмо́сь: Тебе́́, на вода́хъ пове́сившаго всю́
зе́млю неодо́ержимо, тва́рь, ви́дѣвши на ло́бнѣ́мъ

вѣсима, ѹжасомъ многимъ содрогашеся, нѣсть святъ, развѣ Тебѣ, Господи, взывающи.

Укрѣплѣнъ бѣвъ силою Божіею и помощію Богоматере, заповѣдь духовнаго отца твоего, преподобнаго Θεодосія, безбѣднѣ исполнилъ еси, еже прилѣжати построенію новаго храма во обители, тѣмже, совершивъ сей, небеси подобящійся храмъ, возвеличилъ еси Господа и Пречистую Дѣву Богородицу.

Преподобне отче Стефане! Кто не подивится безмѣрному твоему смиренію, кротости и незлобію? Егда бо братія распалаема злобою діавольскою, изгнаше тя изъ обители, ты якоже овогда блаженный первомученикъ, молился еси о враждующихъ на тя, глаголя: Господи, не постави имъ грѣха сего.

Истиннаго Свѣта зарями облиставаемъ, къ Тому невечернему Свѣту новыя полки иночествующихъ повелъ еси, близъ святыя обители Печерскія, съ помощію чадъ твоихъ духовныхъ новую обитель Кловскую основалъ, и тамо во славу Пречистыя Дѣвы Богородицы храмъ новый создавъ.

Богородичень: Сый естествомъ Господь, всѣмъ невмѣстимый Единородный Сыне Божій, въ Тебѣ вмѣстися, Дѣво Богородице, плоть отъ

Тебѣ прїимь и страшная крѣстная страданїя претерпѣвъ за безмѣрное милосѣрдїе къ намъ, земнороднымъ, да спасетъ насъ по неизрѣченнѣй Своей милости.

Катавасїя: Приидите, пѣво пѣемъ...
Сѣдалень, гласъ 3:

Возрастомъ дѣтищъ бѣвъ, преподобне Стефане, прїялъ еси иго Христова благое и бремя Его легкое на плещи твоя, руководимъ во иночествѣмъ житїи отъ преподобнаго Θεодосїя Печѣрскаго. Таже возрастая въ подвижѣхъ и добродѣтелехъ иноческихъ, и самъ бѣлъ еси игумень и руководитель братїи въ житїи духовнѣмъ. Послѣжде же, яко мужъ учителень, поставлень бѣлъ еси во епископа граду Владимїру и добрѣ упаслъ еси стадо Христово. Молися, святче, о чтущихъ любовїю памѣть твою святую. [Дважды.]

Слава, и нынѣ, праздника.
Пѣснь 4.

Ирмосъ: На Крестѣ Твое Божественное истоцанїе провїдя, Аввакумъ, ужасся, вопїяше: Ты сильныхъ пресѣклъ еси державу, Блаже, приобщаяся сущимъ во адѣ, яко Всесїленъ.

Владиміръ, градъ земли Волинскія, пріять ты отъ обители Кловскія архіерея богомудренна, пастыря учительна и наставника просвѣщенна Духомъ Божіимъ, Емуже, святе, молися о чтущихъ ты.

Якоже во дни юности моея чудеснѣ благоувѣтливъ былъ еси, отче преподобне, къ непотребному служъ твоему, сице и до старости же и престарѣнія моего не остави мя кромѣ твоего мощнаго заступленія.

Тѣло и душу грѣхми окаляхъ студными и безмѣстными, и того ради немощи и недужи отягощають мя, окаяннаго; преподобне Стефане, помолися убо нынѣ ко Господу о мнѣ, многонемощнѣмъ, и о всѣхъ недугоующихъ и страждущихъ людехъ, да спасемся.

Богородиченъ: Человѣколюбца рождши Бога, Боголюбивая Владычице Дѣво Богородице, Мати милосердія еси всѣмъ людямъ, обремененнымъ грѣхи, скорбми и болѣзнями многими, моли, Владычице, Сына Твоего, да спасетъ насъ отъ обстоящихъ бѣдъ.

Катавасія: На божественнѣй стражи...

ПѢСНЬ 5.

Ирмосъ: *Богоявленія Твоего, Христѣ, къ намъ милостивно бывшаго, Исаія, Свѣтъ видѣвъ Невечерній, изъ нощи утреневавъ зываше: воскреснутъ мѣртвіи, и востанутъ сущіи во гробѣхъ, и вси земнородніи возрадуются.*

Единицу несозданную, Троицу единосущную и нераздельную, Предвѣчнаго Трїедиаго Бога, Творца и Вседержителя міровъ вселенныя, богословиль еси, Стефане, просвѣщая благочестивыя люди священными твоими богословіи.

Престолу Божію предстоя, богоблаженне Стефане, со дерзновеніемъ, яко пастырь добрый и заступникъ намъ усердный, любовію празднующихъ нынѣ пречестную память отшествія твоего ко Господу, молитвами твоими спасай отъ всякихъ бѣдъ.

Радуйся, святителю Божій, отче Стефане, яко въ приснѣй ти земли Вольнстѣй вѣра Православная отъ лѣтъ дрѣвнихъ, отъ днѣй твоего здѣ святительства, пребываетъ на твердѣмъ основаніи, аще и много обуреваема бываетъ отъ многоразличныхъ напастей; молися, да и во предняя непозыблема будетъ.

Богородиченъ: **Азъ,** Преплагословенная Владычице моя, Дѣво Богородице, прибѣгаю къ Твоему честному покрову и многомощному заступленію, и вѣмъ, яко Тобою обрящу спасеніе. Споспѣшествуема бо ходатайствы преподобнаго отца нашего Стефана, вся можеша о насъ у Сына Твоего и Бога нашего.

Катавасія: Утренюемъ утреннюю...
Пѣснь 6.

Ирмосъ: *Ятъ бысть, но не удержанъ въ персехъ китовыхъ Іона: Твои бо образъ нося, Страдавшаго, и погребенію давшагося, яко отъ чертога отъ звѣря изыде. Приглашае же кустодіи: хранящи суетная и ложная, милость сію оставили есте.*

Возсія ти въ видѣніи нощнѣмъ свѣтъ неизреченный надъ мѣстомъ, идѣже погребено бысть честное тѣло учителя твоего, преподобнаго Θεодосія. Тогда со игуменомъ обители Кловскія Климентомъ потщася еси къ мѣсту тому, да прославиши Бога, дивнаго во святыхъ Своихъ.

Отець преподобныхъ ликъ, совокупльшеся въ нощь чуднаго видѣнія неизреченнаго свѣта въ пещерѣ Θεодосіевѣй, Стефанъ блаженный, архипастырь Вольнскій, Климентъ, Кловскій игумень, Іоаннъ, игумень Печерскій и

преподобный Несторъ Лѣтописецъ, изъѣша изъ нѣдръ земли нетлѣнное тѣло святаго Θεодосія.

Спасителю Богу воздаша преподобнии отцы хвалу и благодареніе, яко блаженнаго первоначальника иноческаго житія на горахъ Кіевскихъ, преподобнаго Θεодосія, честное тѣло въ нѣдрѣхъ земли нетлѣнно сохранися, и тако исполнися писаніе, еже глаголетъ: не даси преподобному Твоему видѣти истлѣнія.

Богородиченъ: Лѣстію дрѣвле праотцы наша изгна змій изъ рая, Ты же сихъ, о Богомати, возвала еси Рождествомъ Твоимъ къ вѣчному блаженству. Обновляйся убо, Адаме, и Ево веселися, пророцы со апостолы и мученики ликовствуйте, и преподобнии со святители веселитесь.

Катавасія: Снизшелъ еси...

Кондакъ, гласъ [4]:

Добродѣтелей многихъ учителю изрядный и іерарховъ честное и дивное украшеніе, Стефане преблаженне, и нынѣ отгоняй волки мысленныя отъ стада, Богомъ тебѣ врученнаго, святыми твоими молитвами подавай чтущимъ тя добродѣтелей исправленіе и соблазновъ избавленіе, паче же утверди въ земли нашей Православіе нерушимо до скончанія вѣка.

Икосъ:

Бѣды многи, яко рѣка многоводная обышедше обыдоша нынѣ Церковь нашу Православную, нѣкогда тобою, святителю, окормленную и управленную, и волны сихъ бѣдъ съ яростію устремляются во еже низпроврещи съ основанія, на немже стоитъ Церковь святая и зиждется благочестіе христіанъ православныхъ. Вѣрующе же непреложнымъ глаголомъ Христовымъ, твердо уповаемъ, яко и врата адова не одолѣютъ Церкви Божіей до вѣка. Обаче, паки и паки умильно просимъ тя, архіерею нашъ предобрыи, многомощными твоими молитвами заступай въ земли нашей Православіе отъ враговъ его нерушимо до скончанія вѣка.

Пѣснь 7.

Ирмосъ: *Неизреченное чудо: въ пещи Избавивый преподобныя отроки изъ пламене, во гробъ мертвъ бездыханенъ полагається, во спасеніе насъ поющихъ: Избавителю Боже, благословенъ еси.*

Апостоломъ равночестнии священноначальницы, Ефрѣмъ Переяславскій, Стефанъ Владимірскій и иніи боголюбезни епископи, совокупльшеса съ сонмомъ игуменовъ и иноковъ, со свѣтильници многими и пѣніемъ

пренесоша, торжествующе, мо́щи преподо́бнаго
Θеодо́сія изъ пещеры въ великую цѣрковь
обители Печѣрскія, и въ радости воспѣвающе
Господеви: Избавителю Бо́же, благословѣнь еси́.

Вѣлю и сугубую радость и утѣшеніе воспріялъ
еси́, святителю Стефане, въ пренесеніе честныхъ
и многоцѣлѣбныхъ мо́щей преподо́бнаго
Θеодо́сія: се́ бо, ему́же преѣмникъ на игуменствѣ
былъ еси́, сыновній дол́гъ почитанія тому́ явилъ
еси́, и утѣшенъ былъ еси́ священнослуженіемъ въ
созданномъ тобою хра́мъ Успѣнія Богома́тере,
того́ ради воспѣлъ еси́: Избавителю Бо́же,
благословѣнь еси́.

Иерусали́ма вы́шняго наслѣднице, свя́те
Стефа́не, съ го́рнихъ высотъ назира́й твою́
па́ству Во́лынскую и моли́твами твоими
соблюда́й ю́ непреста́нно во правосла́віи твѣрду
и непоколебиму́. Оба́че и вся́цѣй души́
христі́анствѣй, скорбя́щей же и озло́бленнѣй,
ми́лости Бо́жія и по́мощи тре́бующей,
неусы́пный бу́ди заступникъ и ско́рый
помощникъ, да съ тобою Господеви поѣмъ:
Избавителю Бо́же, благословѣнь еси́.

Богородиченъ: Еди́ну отъ всѣхъ родо́въ,
Чи́стую Голубицу, избра́ Тя Человѣколюбець
Госпо́дь въ неискусобра́чную Ма́терь Христа́

Спаса нашего: отъ Твоихъ бо кровей воспримъ плоть Единородный Сынъ Божий, обожий тѣмъ оземленившееся и грѣховное челоуѣчество, и возведе родъ нашъ отъ земли къ небеси. Тѣмже въ радованіи сердцецъ поемъ Ему: Избавителю Боже, благословенъ еси.

Катавасія: Отроки отъ пещи избавивый...

Пѣснь 8.

Ирмосъ: Ужаснися, бойся, Небо, и да подвижатся основанія земли: се бо въ мертвецехъ вмняется въ Вышнихъ Живый, и во гробъ малъ страннопріемлется. Егоже отроцы благословите, священницы воспойте, людие превозносите во вся вѣки.

Освятяеми есмы лучами твоихъ, отче добродѣтелей и священныхъ молитвъ, и тѣми козній лукавыхъ и всяческихъ навѣтовъ вражнихъ свобождаемся, поюще и превозносяще Господа во вѣки.

Теченіе житія твоего совершивъ богоугоднѣ, дѣмонская полчища побѣдилъ еси, Стефане блаженне, того ради вѣнецъ блаженства вѣчнаго пріялъ еси отъ Господа, поя и превознося Его во вѣки.

Воплощенно Слово богословилъ еси, и люди отъ бѣсовскія лѣсти и идольскаго нечестія спаслъ еси, богоносне Стефане, спасай и нынѣ люди твоя отъ нечестія, да вси съ тобою Господа поемъ и превозносимъ во вѣки.

Богородиченъ: Родився отъ Пренепорочныя Дѣвы, мѣръ просвѣтилъ еси, Христе Спасе нашъ. Яко Благій и Человѣколюбецъ, избави насъ отъ прегрѣшеній нашихъ, и молитвами Богородицы въ мѣръ управи животоу нашъ, да Тя превозносимъ во вѣки.

Катавасія: Сей нареченный и святыи...

Пѣснь 9.

Ирмосъ: *Не рыдай Мене, Мати, зрящи во гробъ, Егже во чревь безъ стѣмене зачала еси Сына: востану бо, и прославлюся, и вознесу со славою, непрестанно яко Богъ, вѣрою и любовію Тя величающія.*

Архангелъ и всѣхъ небесныхъ силъ превысшей, Преблагословеннѣй Дѣвѣ Богородицѣ, усердно поработалъ еси въ житіи твоёмъ, святителю Стефане, и нынѣ, яко дерзновение велие имый ко Владычицѣ, не оскудѣвай усердными твоими къ Ней молитвами о мнѣ, грѣшнѣмъ и непотребнѣмъ, о присныхъ рода моего и о всѣхъ присныхъ ми людехъ, да покрыетъ Пречистая

всѣхъ насъ отъ всякихъ бѣдъ и напастей честнымъ Своимъ омофоромъ.

Горести, и скорби, и лютыя печали обстоятъ мя, бѹри и тревоженія житейская обуреваютъ, немощами душевными и недугами тѣлесными многолѣтнѣ одержимъ есмь: заступниче мой усердный, святителю Стефане, предваряя прошенія требующихъ твоея помощи, помози ми въ старости моей, якоже во дни юности благовоилъ еси ко мнѣ, и заступи мя отъ всякихъ бѣдъ и болѣзней.

О всѣхъ грѣшныхъ людехъ, не о себѣ токмо возношу къ тебѣ, ходатаю нашъ, святче Стефане, сия убогая и недостойная молитвенная пѣсни и словеса, обаче услыши мя непотребнаго и представствуй предъ Господемъ Богомъ нашимъ, Богомъ милосердія и щедротъ, да грѣсныхъ убо покаяніе прииметъ и милостивно тѣхъ помилуетъ, отметающихся же истины да наставитъ на пути истины.

Богородиченъ: **Воспойте,** людіе, воспойте Господеви пѣснь нову, пойте имени Христа Спаса нашего, возсіявшаго боголѣпно изъ чрева Неискусобрачна Дѣвы Маріи; ликуйте, вѣрніи роди челоуѣчестіи, въ веселіи воспещите руками, се бо Мати Христа Бога нашего дадеся

на́мъ Ма́ти ми́лосе́рдя, я́коже и со Креста́ возлю́бленному́ ученику́ во утѣше́ние и вѣ́чную всѣ́мъ земно́роднымъ о́траду рече́ Христо́съ: се́ Ма́ти твоя́.

Катавасія: Свѣ́тися, свѣ́тися...

Свѣ́тилень:

Спаса́и, спаса́и вѣ́рныя лю́ди Твоя́, Преми́лосе́рдый Отче́ на́шъ Небе́сный и Пре́двѣ́чный Царю́ вѣ́ковъ, Го́споди, отъ вся́кихъ золь, отъ вся́кихъ напа́стей, отъ вся́кихъ ко́зній враговъ́ на́шихъ, ви́димыхъ же и неви́димыхъ; соблюди́, о Го́споди, въ землі́ на́шей, отъ вѣ́ка су́щей правосла́внѣй, святу́ю вѣ́ру Правосла́вную, не́рушиму во вѣ́ки пре́днія. Тя́ бо мо́литъ о се́мъ и вѣ́рный слуга́ Тво́й, па́стырь на́шъ до́брый, Стефа́нъ блаже́нный.

Сла́ва:

Стефа́нъ чу́дный, ино́ковъ му́дрый наста́вникъ, крото́сти же, воздержа́нія и незло́бія учи́тель изря́дный, днесъ́ въ па́мяти блаже́ннаго преста́вленія́ своего́ къ небе́снымъ, да похва́лится отъ ли́ковъ ино́чествующихъ. Все́ же правосла́вниі роди Во́лы́нстіи, ублажи́те днесъ́ архи́па́стыря́ своего́, не́преста́нно моля́щася ко Го́споду о спасе́нии ду́шъ на́шихъ.

И нынѣ, праздника.

На хвалитехъ стихиры, гласъ 6:

Днесь пресвѣтлая и всепразднственная твоя, святителю отче Стефане, память возсия, созываючи постниковъ соборъ, преподобныхъ и святителей ликостоянія, ангелы же съ человеки, яко войстинну, къ прославленію въ Троицѣ покланяемаго Бога нашего. Тѣмже къ тебѣ, отче, притекающе, умильно просимъ твоея помощи всѣмъ безпомощнымъ, и дары исцѣленій отъ тебе испрошающе, тебе вѣнчавшаго Христа прославляемъ, Спаса душъ нашихъ.

Безмѣрна естъ благодать, юже пріяша святіи отъ Христа Бога нашего: не точію бо отъ гробъ ихъ силою Божественною непрестанно дѣйствуются чудеса, обаче и единое токмо призываніе имене святаго Божія угодника благодатно воздѣйствуютъ на недужныя и озлобленныя напастыми и обстояніи, подвизая милосердіе Божіе ко грѣшнымъ людемъ, требующимъ небесныя помощи. И насъ, молитвенно нынѣ призывающихъ имя святителя Стефана, благослови, Преблагій Господи, душевныхъ и тѣлесныхъ страстей свободити.

Кто достоинъ добродѣтелей твоихъ, святителю Стефане, дѣйства исповѣсть? Иночествующимъ

бо былъ еси образъ смиренія, кротости же и незлобія мірскимъ людемъ, избиравшимъ тя во отца духовнаго, изряднѣйшій былъ еси наставникъ въ житіи богоугоднѣмъ. Пастырь же бывъ Христовы Цѣркве, неусыпный стражъ тоя явился еси отъ хищныхъ волковъ, устремляющихся на овцы стада Христова. Молися о насъ непрестанно ко Господу, да и мы преуспѣвающе будемъ во добродѣтеляхъ и наслѣдуемъ спасеніе.

Добрый слуго Господень, благій и вѣрный, усердный дѣлателью винограда Христова, преподобне отче Стефане, ты и тяготу дневную понесъ и данный тебѣ талантъ возрастивъ, вшелъ еси въ радость Господа твоего въ чертозѣхъ небесныхъ, тѣмже и намъ молитвами твоими врата небесная отверзи, да и мы купно съ тобою небеснаго Царствія наслѣдницы будемъ.

Слава, гласъ 2:

Преподобне отче, изъ младенства добродѣтели прилжно обучився, былъ еси храмъ Духа Пресвятаго, и отъ Того приимъ дѣйства чудесъ, человеки увѣщавалъ еси преобидѣти сладкая міра сего, нынѣ же Божественнымъ свѣтомъ

чистѣйше осіяваємъ, просвѣти и наша мѣсли,
святителю Стефане, отче нашъ.

И нынѣ, праздника.

**Славословіе великое. По трисвятомъ:
Тропарь святаго. Слава, и нынѣ, праздника.
Ектеніи и отпусть.**

**На часѣхъ: Тропарь праздника. Слава,
святаго. И нынѣ, богородиченъ часовъ.**

**Кондаки праздника и святаго по
трисвятомъ премѣняюще глаголемъ.**

НА ЛИТУРГИИ,

**Блаженна праздника и отъ канона святаго,
пѣснь 3-я. Прокименъ праздника и святаго,
гласъ 1: Уста моя возглаголють премудрость,* и
поученіе сердца моего разумъ. Апостоль дне и
святаго, ко Евреомъ, зачало 318.
Аллилуія [дне и святаго, гласъ 2]: Уста
праведнаго поучатся премудрости, и языкъ его
возглаголетъ судъ. Евангеліе дне и святаго,
отъ Луки, зачало 24. Причастенъ праздника
и святаго: Въ паметъ вѣчную будетъ
праведникъ, отъ слуха зла не убойтса.**

**Источникъ: Служба преподобному отцу
нашему Стефану, Епископу Владиміро-
Вольнскому, Игумену Печёрскому. —
Варшава: Синодальная Типографія, 1928. —
24 л.**

